

Nd.

362. Tillaga

til þingsályktunar um ávarp til konungs.

Frá: Guðl. Guðmundssyni, Jóni Jónssyni frá Múla, Valtý Guðmundssyni
og Jóni Magnússyni.

Neðri deild Alþingis ályktar að senda konungi svohljóðandi

Á V A R P:

Mildasti herra konungur!

Allra-hæstur boðskapur yðar hágignar, er ráðherra Íslands flutti Alþingi,
hefir verið þinginu og þjóð vorri hið mesta gleðiefni.

Vjer minnumst fóður yðar hágignar, hins lofsæla konungs vors, Friðriks
hins áttunda, með einlægum söknuði. Nafn hans mun ætið geymast í þakklátri
minning hinnar íslensku þjóðar.

Konungleg orð yðar hágignar til Alþingis, eru oss vottur þess, að yðar
hágign beri hinn sama hlýja velvildarhug til lands vors og þjóðar, sem vjer svo
oft og víða höfðum orðið varir við af hendi hins lofsæla konungs vors, fóður
yðar hágignar, og fær það oss mikillar gleði, að mega bráðlega eiga þess von,
að geta fagnað yðar hágign hjer heima, og vottað yður þegnlega lotning vora.

Á Alþingi því, sem nú er að ljúka störfum sínum, höfum vjer falið ráð-
herra Íslands, að bera það fram við yðar hágign, að gerðar verði tilraunir til
þess, að leiða til farsælla lykta nýja samninga um sambandið milli Danmerkur
og Íslands. Það er einlæg von vor, að konungleg samhygð og stoð yðar hágignar
í þessu mikla velferðar- og áhugamáli Íslands, verði til þess, að þeir samningar
mættu svo vel takast, að þeir geti orðið báðum þjóðum ánægjuefni, og leitt til
góðs samlyndis og samvinnu milli þjóðanna. Að þessu viljum vjer vinna af
fremsta megni.

Mildasti herra konungur!

Vjer biðjum guð að blessa yðar konunglegu hágign, yðar konunglegu ætt,
ríkisstjórn, lönd og þegna. —